



# basic education

Department:  
Basic Education  
**REPUBLIC OF SOUTH AFRICA**

## NATIONAL SENIOR CERTIFICATE

**IGREYIDI 12**

**ISINDEBELE ILIMI LEKHAYA (HL)**

**IPHEPHA LESITHATHU (P3)**

**NOVEMBA 2021**

**IMITLOMELO: 100**

**ISIKHATHI: Ama-iri ama-3.**

**Iphepheli linamakhasi ama-5.**

**YELELA**

1. Iphepheli LINEENGABA EZIMBILI, u-A no-B.  
ISIGABA A: Amatheksthi wokuzitlamela (Ama-esityi) (50)  
ISIGABA B: Amatheksthi wokuthintana (2 x 25) (50)  
**YELELA:** Abafundi bafanele baphendule imibuzo EMIBILI  
ESIGABENI B.
2. Phendula umbuzo OWODWA ESIGABENI A kanye nemibuzo EMIBILI  
ESIGABENI B.
3. Tlola ngelimi ohlolwa ngalo.
4. Thoma ISIGABA ESINYE NESINYE nombuzo OMUNYE NOMUNYE ekhasini  
ELITJHA.
5. KUSIGABA A kufuze uhlele (usebenzise umebhengqondo, idayagramu/  
lflowutjhadi/amagama amummongo, njll.), uqinisekise bona umsebenzakho  
awunazo iimphoso. Ukuhlela kwakho akuvele nofana kubonakale  
NGAPHAMBI kwe-esityakho.
6. Ukuhlela kwakho ukutlole kule kubonakale ekhasini lokuthoma bese uthoma  
i-esityakho ekhasini elilandelako.
7. Isikhathi esiphakanyisweko sokutlola ISIGABA NGASINYE:  
ISIGABA A: Pheze imizuzu ema-100  
ISIGABA B: Pheze imizuzu ema-80 (2 x 40)
8. Tlola iinomboro zeempendulo zakho zifane patsi nangendlela ezinonjorwe  
ngayo ephepheni lemibuzo.
9. Isihloko asingabalwa nakubalwa inani lamagama.
10. Tlola ngesandla esihle nesibonakalako.

**ISIGABA A: AMATHEKSTHI WOKUZITLAMELA (AMA-ESEYI)****UMBUZO 1**

Khetha isihloko ESISODWA utlole ngaso i-esityi engaba magama ama-340–390 (2½ amakhasi).

Kufanele utjengise ukuhlela kwakho (kungaba ngokukodwa kilokhu: umebhengqondo/idayagramu/amaflowutjhadi/amagama amumongo, njll).

- 1.1 Ngathana ngatjelwa kusesa nesikhathi ngendaba le. [50]
- 1.2 Ngazibona kwangathi ngikhethekile hlangana nabanye abantu. [50]
- 1.3 Ubuhlungu bokuthweswa umlandu ongawaziko. [50]
- 1.4 Ubujamo engikhulele ngaphasi kwabo bangenza bona ngikhethe phakathi kokuya eyunivesithi nokuyokufuna umsebenzi. [50]
- 1.5 Imiphumela elethwe kuqinteliswa kwamakhambo ngonobangela wengogwana ye-Covid 19 enarheni yeSewula Afrika. [50]
- 1.6 Ithando lamalanga la lidzimelele khulu ezintweni eziphathekako. Vumelana nofana uphikisane nombono lo. [50]
- 1.7 Qalisisa iinthombe ezingenzasi ukhethe ESISODWA bese uzitlamela i-esityi uyinikele isihloko esiyifaneleko. Tjheja: Isithombe ne-esityakho azikhambelane kuhle. [50]

1.7 1.7.1



[Sithethwe ku-[www.images.com](http://www.images.com)]

[50]

1.7.2



[Sithethwe ku-[www.images.com](http://www.images.com)]

**[50]**

**IMITLOMELO YESIGABA A:**

**50**

**ISIGABA B: AMATHEKSTHI WOKUTHINTANA****UMBUZO 2**

Khetha iinhloko EZIMBILI bese utlola ngazo ngamagama ali-100 kufika kwali-120 isihloko NGASINYE.

**2.1 INCWADI YOBUNGANI**

Umnganakho uphumelele ngamalengiso eemfundweni zakhe zegreyidi le-12. Njeke, ufumene umfundaze ekhamphanini ekhiqhiza igezi, i-ESKOM. Mtlololele incwadi umyelelise ngendlela ekufuze aziphathe ngayo njengombana selazokuba kude nekhaya nje.

**[25]****2.2 UMLANDO KAMUFI**

Kuhlongakele umanakho obegade apethe isikhundla esiphezulu emNyangweni wezokuLima esiFundeni seMpumalanga. Tlola umlando kamufi ozokufundwa emngcwabenakhe.

**[25]****2.3 I-INTHAVYU**

Isikolo senu, iSizakele Comprehensive School sinomlando wokuphuma phambili qobe mnyaka. Namhlanjesi nivakatjhelwe nguThokozani omhleli wephephandaba lomphakathi ukuzokuzwa ngokuzeleko ngamahlelo eniwasebenzisako ukuthola imiphumela emihle kangaka. Utitjherehloko ukubawe bona kube nguwe okhulumisana noThokozani lo. Tlola i-inthavyu ebe phakathi kwakho naye.

**[25]****2.4 I-AJENDA NAMAMINITHI WOMHLANGANO**

Umphakathi wangekhenu uneentjijilo ezinengi eziphakanyiswe malunga womphakathi. Njeke umjameli womphakathi ubone kungcono bona abize umhlangano kuzokhulunywana ngeentjijilwezi. Tlola i-ajenda namaminithi womhlangano lowo.

**[25]****2.5 IKHARIKHYULAMU VITHAYE NENCWADI EMKHAMBISANI**

Ubone isikhangiso somsebenzi wokutjhayela isithuthuthu ukhambise ukudla oku-odwe babantu esitolo i-Idlanathi ephephandabeni iZiyavuthwa. Tlola ikharikhyulamu vithaye nencwadi emkhambisani ubawe umsebenzi lowo.

**[25]****2.6 I-ATHIKILI YEPHEPHANDABA**

Endaweni yangekhenu kunomukghwa wokobana amanzi aphume ebusuku kwaphela eempompini, emini angaphumi. Ngelokho-ke sekuneenlelesi ezibona ubujamobu njengethuba elihle lokukata abantu bengubo lokha nabakha amanzi la ebusuku. Tlola i-athikili wazise umphakathi ngesigesi bewuwuyelelise nokobana ungazivikela njani eenlelesinezi.

**[25]****IMITLOMELO YESIGABA B:  
INANI LOKE:****50  
100**